

# چند علیہ

مشيخت جليلہ اسلاميك جريدہ رسميه ميدير

۱۵ رمضان سنہ ۱۳۳۸

حقه عائد اوله ماز جناب حق بوندن منزه در منفعت ، مصلحت ، خیری مخلوقات عا در  
مخلوق بوکا محتاج در . الله غنی ، مخلوق فقیر در .

از میرلی

اسماعیل حق

### مخافة الله

شبه یوقدر ، که دینده ال بیوک مرتبه تقرب الی اللهی مستلزم بولان تقوای . تقوی ؛  
جناب حقدن قورق ، معاصیدن بالکلیه اجتناب ایله تطهیر نفس ایلمک دیمکدر .  
مستقبلده وقوعی ملحوظ بر فناقدن طولانی قلبک تالم واحتراقدن عبارت خوف  
ایله ؛ لازم غیر مفارقی رجا ایکی قنادر که صاحبی مقام محموده ایصال ایدر .  
خوف باری ؛ واجب الوجود حضرتلرینک عظمت وجلالنه ، صفات وافعالنه ، عیوب  
ونقائص نفسیه وبونک احوال ومخاطرانه دائر اولان ایمان ومعرفت بشریه نک قوت وکمالی  
نسبتنده قوی وکامل اولور . بونک ایچوندر که عوام ناسک خوفلری ضعیف ، متردد ؛  
علما نک ، عرفانک ، خشیترلری ایسه متین ، مکاملدر . ایمانک رکفی علم ، علم دینی نک اساسی  
دخی مخافة الله استناد ایلین اعمال صالحه در . معلومدر که علم بلا عمل عقیم ، عمل بلا علم  
سقیم ، عمل مع العلم اوقات خسته ده نیازکار سلوکی اولدیغمز صراط مستقیمدر . بوشه راه  
تعالی ونجائده متین ومعین خطوه لرله یوریمک ، آحرار مرتبه کمال ایتمک ایسته بن هر فرد خوف  
اللهی قلبنه ، شمع منیر شریعتی یدیمینه آمالیدر که نائل اقصای مرام اوله بیلسون . یوقسبه  
طریق مظلم ، مخوف ، منزل خطرناک ، دشمن درکین اولان نفس لئیم شدید الحوصمه  
وبی اماندر .

ناسک معبود عظیمندن الک زیاده قورقانی ؛ نفسی ، ریسنی الشقوق عارف اولانی در .  
علم وجهلک . مخافة الله دن کوزل معیاری ، میزان یوقدر .  
بوکا بناء در که اعرف انبیا علیه ازکی التحایا افندمن حضرتلری امتنه « بن ؛ الله قورقوسیه  
سزک هیکزدن زیاده متبصم » بیورمش ، قرآن کریمده « انما یخشى الله من عباده العلما »  
آیه جالبه سیله قدر علم وعلما یی بالخاصه خشیت الهیه مقارنت ایله تحیل ایشدر .

انسان؛ درجهٔ چهل و حیوانیسی، خلق و حقدن حیاسرانی، ادب و پرواسرانی نسبتند در که شخصه، عالمه سینه، نسبتله باعث بدبختیسی اولدینی هیئت اجتماعیه مضر در. خوف و توفیق خدادن عاری بر قلبه سوز تأثیر، موعظه کار ایتمز.

« از خدا جویم توفیق ادب

بی ادب محروم کشت از لطف رب

بی ادب تنهانه خود را داشت بد

بلکه آتش در همه آفاق زد »

فضیلت خوف ایسه؛ قیمت علم و عرفان ایله مبسوطاً متناسبدر. برنجینک مشمری علم، ایکنجینک ثمره سی ورع و تقوادر. حال بویله اولنجه خوف؛ حقیقت علم و ایمانی جامع بر اسم اولور که مسامی؛ عبادینی تحصیل تقرب ایچون علم و عمله مواظبه سوق ایدن سوط الهی دیمکدر. قورقو؛ بتون مهباندن اجتناب سبب و کافه امور حسنه و مرغوبه نك مفتاحیدر. شهوات نفوس و آفاتی ازاله یه قادر بوندن باشمه برشی یوقدر. آخرتده سعادت و لقاء الله و وصول دنیاده رضا و محبت الهیه یی تحصیل ایله اولور. محبت ایسه دوام فیکر ایله، مخافة الله ایله قابل حصولدر.

ذکر و فکره مداومه کلنجه؛ بوکا نائلیت حب خیس دنیا و شهواتی قلبدن قلع و قمع متوقفدر که؛ آنجق نار خوف ایله آتی باقماغه وابسته در. خوفک اعلا درجه سی خاتمه یه معلق اولاندر؛ بونددرجه عالی و نه مرتبه جلیل اولور سه اولسون علم و عمله استناداً ساکن اولمیاندر. زیرا عمللر نتایجی اعتباریله وزن و تقدیر، قابل سرعته تقلب اولوب طور مق طبعی بولندیغندن حسن خاتمه یه اقتران ایلدیکجه کندیلمینه امنیت صحیح اولماز. قلوب الابرار معالقه بالحامه.

مقرین کرام؛ قلم قضای از لینگ حقلرنده فصل سبق جریان ایش اولدیغنی بیامدکرندن خوف سابقه اوزره قائمدرلر. ابرارک فضائلدن عد ایله تقرب ایلدکری شیرلی مقرین حجاب بیلمدکری جهته اجتناب ایدرلر « حسنات الابرار ذنوب المقرین » دکلر؛

بزه کوره مخافة اللهک الممدوح شکلی؛ کثرت ذنوب و معاصیدن زیاده صفاء قلبدن، صمیمیت روحدن، جناب باری یه شدت محبت و تعظیمدن متولد اولاندر. هر شینک اولدینی کبی. مخافة اللهک ممدوح و محمودی ده اعتدالدر. یأس و قنوطه معجز اولاینه التفات یوق.

منشائی عجز و جهل اولسی اعتباریله حد ذاتنده مهم بر نقصان اولان خوفك مرغوبیتی  
اعمال صالحه آیینیه وسیله حسنه اولمیشدن طولاییدر . خالق حقه ایصاله خادم اسباب مادیه  
و معنویه ؛ که حذر ، ورع ، تقوی ، مجاهده ، عبادت ، فکر ، ظاهر و باطنده استقامت ،  
عدالت ، صفاء روح و وجدان بوجه دندر . بونلرك كافه سی صحت بدن و سلامت عقل و محاکمه  
ایله حیاتی مستلزم اولوب بوده ؛ آنجق خوف الله ایله روح و وجودی مخرب اعمال سیئه دن  
اجتنابه متوقفدر . عکس حالده بتون بوتعداد و تجیل اولنان اوصاف و مزایادن مجرد و محروم  
قالان بر فرد ظلمات جهل و حیوانی ایچنده پویان ، ذلیل بردشمن نفس انسانیت ، طریق  
حق اوران پرواسر بر نامرددن باشقه برشی دکلدر . دنیاده بشرک ، بشریت جاهله نك  
باشنه هر نه بلا و مصیبت کلیر ایسه مطلقا جهلین ، حقدن قورقه مزائدن کلیر .

« هر چه بر تو آید از ظلمات و غم

آن ز بی باکی و کسناخست هم

هر که بی باکی کند در راه دوست

رهزن مردان شد و نامرد اوست »

قالدی که ؛ تکمیل جمعیات متمدنده خوف المهند متولد و امور دنیویه ده آنک مقامنه  
قائم « حرمت قانونیه » واردر که عموماً مطاع و مبجلدر . مدنی و مترقی ملتورده متمدن ،  
منور بر فردك قیمت انسانیه و اهمیت اجتماعی سی منسوب اولدینی قوم و جماعتك قوانینه  
درجه انقیاد و حرمتیه مقایسه اولنور . چونکه ماهیت دهری ، حقایق اشایی ، حکمت  
اجتماعیه یی ، خلاصه موجودات اولان حق بیلن ، تقدیس و تسبیح ایدن برکیمسه ؛  
هیچ شبهه یوقد که خلقه حرمت و محبتی کندیسنه شعار مخصوص ایدینر ، بلا تفرق هر کسه  
نافع و مفید ، بالمقابله کندیسیده علمدن مستفید اولور . هل جزاء الاحسان الا الاحسان  
آیت کریمه سی موجبیه خیر ایشلایان خیر ، عباد الله شری روا کورن آنکله مجازات اولنور .

این جهان کو هست و فعل ماندا

سوی ما آرند اها راصدا

ایشته انسانی بودرجه تکامله موصل اولان یکانه شی ؛ خوف و خشیت پروردگار مستند  
علم و معرفتدر که کافه اصول و فروع دینیه و مدنیه نك اس اساسیدر . رأس الحکمة مخافة الله

حافظ اسماعیل